

Bharot Disomren Rastrapoti La_git Pahil Pachanore Mn Draupadi Murmu ak N'utum Ucha_nena

Ramnath Kobindo tayom Bharot disomren tayom daram a_k'yuric' Rast_ropoti okoe hoyok'ma mente a_d.itet' kathako ud_a.u upha_r bar_ae kan tahe~kana. Onkaleka bad_aeteak' ar ra_ska_sombat do noage je, Jharkhand ren Draupadi Murmu ak' n'utum ho~ nia_dhao ucha_nena. Hola (21 June) Mon'golbar Bharot disomren Maran' Montri Norendro Modi do BJP ren maran' a_yurko sa~o mit' ba_isi hoe ocokeda.

Ina_kate NDA do akoak' Rast_ropati huda_reak' n'utume n'umket'takoa. Draupadi Murmu do BJP san'gar_he~ do_l ren Rastropati candidate kanae. Nui do 1958 serma reak' 20 June Orisar Mayurbhanj nagraha reak' Baidyapsi atorey janam akana. Apatet'ak' n'utum do Biranjhi Narayan Tudu. Nia_lahare Jharkhand nagraha cak'laaic' re are ak' huda_rey bachao ocolena. Menkhan unige pa_hil uta_r cak'laic' do bachao n'amlena ente napaete mo~r_e~ serma doe pura_u akada.

Draupadi Murmu do nia_lahare Orisa ren Montri hisa_bte tahe~kana. Ar 2000 serma khonak' 2004 serma ha_bic' Rairangpur Bidhansobha centre ren bidhayok (MLA)-e tahe~kana. Un okte BJD ar BJP- dolren Sarkar tahe~kan okte Montri huda_rey tahe~kana. Aema lekan da_yik ko uni cetanre tahe~kana. Ar jotowak'ge a_d.i napaete n'el jut are sambr_ao akat'a. Menkhan nit noa election rey bachao n'amlenre Rastropati huda_doe hamet_jon'a. End_ekhan a_diba_si santalko modre niuge pa_hil uta_r Rast_ropati doe bachao ocok'kana.

Hoe Dak

Ba.isa.k just.i cando a.yup' bela
Hende rimil rakap'en n'ut'ge,
Hoe dak' darae kan hud hud
Pa.chim disom khon botorge.
Hende rimil gud. guda.k' kan
Oktoreye hud.uret' dir.im dir.im.
Ce~r.e~ ciprut' ko cero beroet'
Pond. ko~k ko ud.a.uk' kan cot. sec'.
Gogo or.ak're udur. dupur.
Hana noaye aderet' harephare,
Gupi kor.ako gupit.a.nd.i khon
Ga.i d.an'gra ko pid.ga.uket'ko.
Ka.mi hor.ko da.r. a.guet' akbak,
Ato or.ak'te umulok' la.git'.
Hoe kedaye gurla. gurli radrad,
Dak' kedaye jhomor jhomor.
Ot.an' idikedae or.ak' dua.r ko,
Ra.put' idikedae dare d.a.rko.

Baba Ma~ha~

Got.a dha.rtire aema okte aema lekan ma~ha~ko manaoet' kana. Onka leka baba ma~ha~ ho~ mit't.en ma~ha~ kana. Tehen' do 19 June. Ban'gladisomre jao sermage June cando reak' tesar At.hwar do baba ma~ha~ mente manaok' kana. Onkage tehen' do June cando reak' tesarak' At.hwar kana. Ar tehen' do got.a Ban'gladisom baba ma~ha~ko manaoet' kana.

Sa.rige baba katha do hud.in're ho~ a.d.i soros uta.rak'kangea. Cedak' je, bad.ekak'bon d.her disomkorege gharon'jren mukhia. do baba. Gharon'j reak' jo.to.wak' do babage n'el juta. Gharon'jre babawak' da.yik do asambher.gea. Gidra. hara buru, ona sa~ote olok' par.hao

cet'ae nonkan aema lekan da.yik ko menak'taea. Baba do joto lekanak'te kula.u arko ant.aonet'bona. Cet'tege okula.n ar t.ont.a ban'ko dohoyet'bona. Joto ko ren babako kurumut.uia jemon ac'ren gidra. napaeye tahe~n. Gidra.wak' sukge babawak' suk. Onate tehen' baba n'utumte mit't.en din nit.akana. One aema hor.ge a.d.i man-manot salak' tehen'ak' dinko manaoet' kan.

Onate boeha ar misera disa.i mabon baba do a.d.i haron ar kost.o sahaokate hara buru akat'bona. Abo mimit'ko jarur.kantabona baba man-manote. End.ekhan baba ho~ raska.ko at.kara. Abo t.hen khonak' dula.r.ko n'amlere dha.rti jin'gi napaeko khemaoa. Onka leka babawak' daya dula.r.te abo ho~ mon'jbo tahe~na.

Tehen'ak' noa hud.in' kathate apan a.pin babakoak' dula.r.bon disa.ima.

SSC Pa .t .hua . Gidra .koak' Bid .a .u Arho~ Tayomena

Sanamkoge bad.aeabon je, nes reak' SSC bid.a.u do darakan 19 June khon ehop' reak' katha tahe~kana. Menkhan Ban'gladisom re menak' joto sikhna.t board reak SSC General, SSC Vocational ar Dakhil bid.a.u do hapeyena. Arho~ bonodol akan bida.u reak' somoysuci tayomte bad.ae n'amok'a.

Ente disom reak' banba.si kha.tirte nonkae got.akeda Sikhna.t Montronaloy. Noa khobor do Sikhna.t Montronaloy ar jonosonjog a.piser M A Khair-e kolakat' mit't.en d.ha.rwa.k' talate bad.ae ocoakana.

Source: bssnews

Meskoc´

Meskoc´

Mit´t.en pa.t.hua. kur.i gidra. ar Mahasoe talare galmarao:

Nipa: June came in Sir?

Sir: Noa do oka lekan English-em cet´keda?

Nipa: Sir, am t.henge tho_.

Sir: May I came in Sir, nonka con´ cet´let´me.

Nipa: E Sir, un jokhen ma may cando tahekan. Menkhan disa. hec´am kana se ban´? Ente nit ma June cando calak´ kan.

Mit´t.en Bud Ar Akilan Miru Ce~r.e~ak´ Go_lpo_

Mit´t.en phorasi hor.e tahe~kana. Uniren mit´t.en seta ar Miru ce~r.e~kin tahe~kantaee. Ado_ uni seta jaoge aema lekan cecet´ak´e emawade tahe~kana. Metak´me khila.d. ar ka.miko. Tinre cet´leka hukumae onka lekagey ka.miet´ tahe~kana.

Menkhan Miru ce~r.e~ do ka.mige bae cet´akat´ tahe~kana. Uni ce~r.e~ jao ghur.ige bo_ko_t´ bo_ko_t´e ror.et´kan tahe~kana. Becaria. seta cetanre a.d.itet´e sordarok´ kantahe~kana. Ac´ ho~ uni hor. lekage setae hukumaea. Ekal ran´gao macha ben´get´kate a.cuede tahe~kana.

Uni kisa.~r. hor. jaoge dokante jomak´ a.gui kolekan tahe~kana.

End.ekhan seta do jotoko t.hen a.d.i oprome tahe~kana. Ado tinre calak' unregeko emae kantahe~na ar kisa.~r.ak' n'utumre hisa.bko ol dohoyet' tahe~kana.

Mit'din hisa.be dur.up'en khan ban'ge mila.uk'kantaeta. Ente tin dhaoe kolkade ona khonak' ba.r.ti ol akana. Bickom noa reak' karontet' ban'gey bujleda. Ina.kate mit'dine ta.n'khikeda, mit' jokhen Miru ce~r.e~ ackage mengot'keda, t.ukri a.guime ar dokan calak'me.

Becaria. seta ban'gey rebenkana, khan Miru ce~r.e~ do arho~ ran'gao n'o~ktey metadeam do calak'me. Ado uniak' katha leka calaoente mit' gha.r.ite jomak' a.gukate ce~r.e~ saman'adea. Ado uni seta ond.egey hapeyena, asok' kantahe~kane jomak'e n'ama. Menkhan uni ce~r.e~ bahre sec'e lagakede. Ar end.ete eskargey jomkeda. Enhilok' khonak'e buja.ukeda, cekate hisa.b nonka ban' mila.uk' kana mente. Nok'oe ado nonka Miru ce~r.e~ak' budtae.

Darakan 15 June Khonak' 7 July Dha.bic' Joto Coaching Centre Bond Tahe~na

SSC bid.a.u ehop' la.gidok'kante darakan 15 June khon pe hapta Bangladisom reak' joto coaching centre ko bond tahe~na mente Sikhna.t Montri Dr.Dipu Moni la.i lahakeda.

Arho~e menkeda je, bid.a.u ehop'kate coaching centre dekbhal ar non'jor reko dohoea. Ente bid.a.u okte adom adom coaching centre jhic'ge tahe~na. Onate bond dinre jaha coaching centre jhic'ko n'amlere, , a.n lekate onko birudre beboatha hataok'a mente ho~ la.i lahayena. Ente noa do maran' uta.r se ja.r.ur.teak' ar bad.aeteak' bisoe kangea.

Darakan 19 June Khonak´ SSC Bid_a_u Ehobok´ kana

Darakan 19 June Khonak´ SSC Bid_a_u Ehop´a Nes bo_chor reak´ Secondary School Certificate (SSC) bida_u reak´ somoysuci sodorena. Banladesh re nia do joto khon maran board bida_u kana. Niare

মাধ্যমিক ও উচ্চমাধ্যমিক শিক্ষা বোর্ড রাজশাহী, কুমিল্লা, খানসাহা, সইয়্যেদপুর, সিলেট, দিনাজপুর, মহাস্থানগড় ২০২২ সালের মাধ্যমিক স্কুল সার্টিফিকেট পরীক্ষার সময়সূচি ২০২২ সালের মাধ্যমিক স্কুল সার্টিফিকেট (এসসি) পরীক্ষার দিনের সময়সূচি অনুযায়ী অনুষ্ঠিত হবে। বিদেশ প্রত্যাহরণে জেএস পাবলিক এ পাবলিকটি পরিচালনা করতে পারবেন।		
বিভাগ ও পত্র সময় ১০টা থেকে ১২টা পর্যন্ত	তারিখ ও দিন	বিভাগ ও পত্র সময় ১টা থেকে ৩টা পর্যন্ত
১। বাংলা (প্রাথমিক)- ১ম পত্র ২। বাংলা (প্রাথমিক)- ২য় পত্র	১৯/০৬/২০২২ শেখবার	৩
১। বাংলা (প্রাথমিক)- ৩য় পত্র ২। বাংলা (প্রাথমিক)- ৪য় পত্র	২০/০৬/২০২২ শেখবার	৩
১। ইংরেজি (প্রাথমিক)- ১ম পত্র	২২/০৬/২০২২ বুধবার	৩
১। ইংরেজি (প্রাথমিক)- ২য় পত্র	২৩/০৬/২০২২ বুধবার	৩
১। গণিত (প্রাথমিক)	২৪/০৬/২০২২ বুধবার	৩
১। বাংলা বিভাগ (প্রাথমিক) ২। গণিত বিভাগ (প্রাথমিক) ৩। গণিত (প্রাথমিক) ৪। গণিত ৫। গণিত ৬। গণিত ৭। গণিতিক বিভাগ ও গণিত (প্রাথমিক) ৮। গণিত ও গণিতিক (প্রাথমিক)	২৫/০৬/২০২২ বুধবার	৩
১। গণিতিক বিভাগ (প্রাথমিক) ২। গণিতিক বিভাগ ও গণিতিক ৩। গণিতিক ও গণিতিক	২৬/০৬/২০২২ বুধবার	৩
১। গণিতিক (প্রাথমিক) ২। গণিতিক ও গণিতিক ৩। গণিতিক বিভাগ	২৭/০৬/২০২২ বুধবার	৩
১। গণিতিক ও গণিতিক	২৮/০৬/২০২২ বুধবার	৩
১। গণিতিক (প্রাথমিক) ২। গণিতিক	২৯/০৬/২০২২ বুধবার	৩

Secondary School sikhna.t board, Rajshahi, Comilla, Syhlet, Dinajpur,

Jessor, Barisal, Mymensingh ar Chittagong board noa routine-e sodorkeda. SSC bida_u do darakan 19 June ehop'a ar 6 July muca_dok'a. Enhilok' setak' 10 baja khonak' ehop'kate tikin 12 baja dha_bic' hoyogok'a. Bad_aeabon je_, jao sermage February cando SSC bid_a_u ar April cando do HSC bida_u hoe bar_ak'a. Menkhan ko_ro_na kha_tir 2020 serma khonak' sikha_t dhap reak' sanamak'ge a_ula_u caba akana. Ente okte na_pitre bida_u ko ban' hoyok' kana. Nia_ dhaoak' bida_u ho~ a_d_i bilomte ehop' la_gido_k' kana. Enreho~ as menak'a jo_to_wak' bid_a_u napaete hoe pura_uk'a.

Pa_hil Bar Gel (20) Modre Re T_ha_~iana Bakur_a Ren Suvasish Hasda

Hola calaoen Sokolbar (10 June) West Bengal Board re hoe akan High School reak' result sodorena. Kocbihar jila_ren Anisa Dev Sharma 498 nombor n'amkate Pa_chim Bon'go pa_t_hua_ko modre pa_hil tha~_iye a_ida_rijon'ana. Nes noa bid_a_ure pas se jita_uen gidra_koak' son'kha tahe~kana 88.44 percent. Arho~ bad_ae n'amena Bakura jila_reak' Bakura Christian Collegiate re par_haok'kan Suvasish Hasda n'utuman pa_t_hua_kor_a mot_re 479 nombor n'amkate bar gelko modrey t_ha~_iana.

Jo_to_bisoe re n'am akat' nombor latarre emena:

Bangla 88, English 96, Computer Aplication re 98, Dorson 99 ar Bhugol re 95 nombor-e n'amakada.

Pa_hil bar gel modre t_ha_~iante apat' Lal Mohon Hasda ar en'gatet' Nilmuni Hasda asambher_kin kusiyena. Suvasish ren en'gat apat' bana hor_ge BSNL ren ka_mia_hor_kin tahe~kana. Menkhan nit' do ban'kin ka_mikana. Tinre en'gat-apat t_hen hor_ko a_kinren gidra_wak' result

babotre bad.aejon'ko khojkeda, Unre sa.rige a.d.i go_ro_b salak' kin
menkeda, as tahe~kana gidra. mon'j jo_e n'ama mente. Sin'ke n'inda.
mone gad.aokate par.hao akana. Jahan a.r.isge ban' tahe~kantaea.
Ar nit Ona reak' jo_e n'amkeda.

Tayom daram dinre cele hoyok'a mente kuklikedere, ror. rua.r.keda, Nit
do College re bhorti la.git' par.haok'e ehop'keda. Ente Bharot nagraha
reak' bhage uta.r Biswabiddaloy re se English te Graduation la.git'
a.d.itet' sana ar kukmu menak'taea. Ina.kate bida.ure rakap'en
pa.t.hua. gidra.ko nonka menkate udga.uket'koa, je_, gogo-baba ar
gatekoak' katha leka do ban' bickom apnar kusi metak'me oka bisoe-em
kusik', onage par.haok'me. End.ekhan olok' par.haok' talate ra.ska.m
at.kara. Ar nonakate olok' par.haok' jingirem laha dar.eak'a.

Tuma_l: Sarsagunpatrika

Santal'koak' Jumire EPZ Alo Hoyok' Kha_tir Santal'koak' Ten'go Daram Ba_isi

Gaibandha Gobindogonj re Sahebgonj ba.nij-bepar kha.tir EPZ ba.isa.u
la.git'te oka mon suba. tahe~kan ona ba.til la.git'te mit't.en ba.isi
se jarwak' hoyena. A.gil hapr.amkoak' noa jumi n'utumte Mon'golbar
setak' upa.jila. Kat.amor t.othare a.diba.si ar santal hor.ko mit'te
noa ba.isireko selet'ena. Sahebgonj-Bagdah Farm bhumi udhar songram
committee, Jatio Adibasi Porisod, Adibasi-Bangali Songhoti Porisod,
Gaibandha Samajik Songram Porisod noa ba.isi ko
sap'r.aoleda.Santal'koak' jumire EPZ alo hoyok'ma ror. uduk'ket'a, jeno
santal'koak' ma~ya~mte a.rup' akan noa cas-abad jumi nost.o kate EPZ
alo benao rakabok'ma.

Sahebgonj-Bagdah Farm Bhumi Uddhar Songram Committee ren convener

Philimon Baskey noa ten'go daram ba.isi a.yurkeda. Noa ba.isire mit' kathako ror.ket' manotanko modre Bangladesh Orthoniti Somiti ren sabha mukhia. Professor Dr.Abul Barakat, Dhaka Biswabidaloy ren mahasoe Professor Rubaet Ferdous,Jatiyo Adibasi Porisod ren sabha mukhia. Robindronath Soren, LLRD ren nirbahi Director Shamsul Huda, Jasad Cendrio Committee ren sangothonik Sompadok Golam Maruf Mona, Jela Association ren sa.da.i sompadok Sirajul Islam Babu, Basad Nogaon jila. ren mit' convener Joynal Abedin Mukul, Gaibandha Samajik Songram Porisod ren convener Jahangir Kobir Tonu, Adibasi-Bangali Songhoti Porisod ren a.yuric' Golam Rabbani Musa, Probir Chokroborti, ar et.ak'ko modre Dipayan Khisa,Afzal Hosain, Mirinal Kanti ho~ selet'e tahe~kana.

Manotan sawalia.ko ror. sodorkeda, noko pea santal hor.ko goc' babotre nit ho~ jahan bica.r ban'ge hoy akana. Bica.r n'utumte sarkarak' aema adalot ar doptarkore nana parkan katha ror. a.nd.un' bar.aet' kana. Menkhan asami dusi hor.ko laha lahateko a.cur bar.aekana. Okoege ban'ko giripteret'ko kana. Ona ia.te noko dusikoak' bica.r ko khojkeda.Ona sa~o or.ak' raput', lut.pat. ghot.na reak' khotipurunko khojkeda. Ar bises kaete je_mon noa jumire EPZ alo benaok'ma, noa babotre Sarkar t.hen neho~r ko dohoket'a.